

12

G A L L A

D U X V.

Electus Anno 755. Deportatur Anno 756.

VETVS INSCRIPTIO.

oculis captus patriam & lumen amisi.



TYrannidem usurpât Galla, justissimo Principe injustissimè relegato ; sed malè partam dignitatem dum pessimè administrat , vitiis obrutus & voluptatibus , privatus & ipse oculis , altero regiminis Anno , justas flagitii pœnas deportatus persolvit . Familia Tyranni hic non exprimitur ; vel nomen proprium confunderetur cum Appellativo ; vel in odium violentiæ suppressum ; vel in solatium innocentis posteritatis præteritum . Primus iste , qui inter Venetos tyrannidem doceret , quam ignorabant . Hinc prope prodigiosus miraculo ; quod Populus liberè natus , liberè enutritus , supra Annum Tyrannidem sustinuerit ; imò Imaginem permiserit , sed ad infamiam .